

昆孫

立於穴門山田邑起謂田裳見來孫于今攝州住吉和菟社神主也

〔倭名類聚抄子孫〕昆孫 爾雅云來孫之子為昆孫昆後也六代孫也

〔箋注倭名類聚抄子孫〕原書今本昆作暴阮元曰史記孟嘗君列傳索隱漢書惠帝紀顏注皆引作昆

孫是唐初本爾雅作昆開成石經始誤作暴猶暴弟字釋文及後漢書注誤作昆也今本郭注暴後也

亦當作昆邢疏云暴後也釋言文今釋言作昆後也可證愚按釋親暴兄也說文周人謂兄為暴說文

又云昆同也段玉裁曰同而或先或後故轉為先又為後也然則訓後者轉注也是暴昆二字不同而

多通借然可借昆為暴弟不可借暴為後昆此作昆孫作昆後也為是釋名昆孫昆貫也恩情轉遠以

禮貫連之耳

〔伊呂波字類抄元倫〕昆孫來孫之子六代孫也

〔釋親考〕來孫之子為暴孫五代ノ子

郭氏曰暴後也

胤按左傳昭十六年子產曰孔張君之昆孫子孔之後也杜曰暴兄也子孔鄭襄公兄孔張之祖父此

謂兄之孫耳與爾雅別

〔倭名類聚抄子孫〕仍孫 爾雅云昆孫之子為仍孫仍重也今按七代之孫也漢書云耳孫仍耳聲相近

蓋一號也

〔箋注倭名類聚抄子孫〕釋名仍孫以禮仍有耳恩意實遠也按說文仍因也大雅常武毛傳仍就也凡

有物而有因之有就之故因就轉訓重也略中耳孫見惠帝紀注應劭曰耳孫者玄孫之子也李斐曰

耳孫曾孫也晉灼曰耳孫玄孫之曾孫也顏師古曰耳孫諸說不同據平帝紀諸侯王表耳音仍仍耳

聲相近蓋一號也則知此所引顏注也按平帝紀元始五年立梁孝王玄孫之耳孫音為王又諸侯王

表梁孝王表元始五年二月丁酉王音以孝王玄孫之曾孫紹封在紀言耳孫在表言曾孫則以耳孫

仍孫